



[Home](#) / [Habari](#) / MFUMO WA CBMS WAUNGANISHWA NA MUSE

21 Dec, 2023



Mtaalam wa Masuala ya Bajeti kutoka Wizara ya Fedha, Bw. Edson Toto, akielezea maeneo yaliyoboreshwu kwenye Mfumo wa Uandaaji na Usimamizi wa Bajeti (CBMS) wakati wa kikao kazi cha Mafunzo ya Mfumo huo, jijini Dodoma.

Wizara ya Fedha katika kusimamia maandalizi na utekelezaji wa Bajeti ya Serikali, imefanya kikao kazi cha mafunzo ya Mfumo wa Uandaaji na Usimamizi wa Bajeti (CBMS) ulioboreshwu uliouunganishwa na Mfumo wa Ulipaji Serikalini (MUSE) ili kurahisisha uingizaji wa takwimu za bajeti kwa mwaka 2024/25.

Hayo yameelezwa jijini Dodoma na Kamishna Msaidizi wa Idara ya Bajeti, Wizara ya Fedha, Bi. Bahati Mgongolwa, wakati akifungua mafunzo ya Mfumo huo kwa maafisa wanaohusika na masuala ya mipango na uingizaji wa takwimu za bajeti.

“Washiriki wamepitishwa kwenye mwongozo wa maandalizi ya Bajeti ya 2024/25 na maeneo ya Mfumo wa Uandaaji na Usimamizi wa Bajeti (CBMS) yaliyoboreshwu ambapo baada ya mafunzo kukamilika mfumo utakuwa tayari kwa ajili ya kuanza zoezi la kuingiza maoteo ya bajeti ya mwaka 2024/25”, alieleza Bi. Mgongolwa.

Alieleza kuwa mionganoni mwa maboresho yaliyofanyika ni kuunganishwa kwa Mfumo wa CBMS na MUSE ili iweze kubadilishana taarifa za kibajeti zikiwemo za mapato na matumizi.

Bi. Mgongolwa, alisema maboresho hayo yatasaidia kutoa ridhaa ya matumizi kutoka Mfumo wa CBMS na kupeleka MUSE, kurahisisha uandaaji, uchambuzi na usimamizi wa bajeti pamoja na utoaji wa migao ya kila mwezi.

Vilevile alisema kuwa umewekwa utaratibu wa pamoja kwenye mifumo ya kibajeti na kiuhasibu kwa ajili ya kutunza kumbukumbu za Government Finance Statistics (GFS), kurahisisha uandaaji wa mpango kazi na mtiririko wa matumizi kwa upande wa mapato na matumizi.

Bi. Mgongolwa alisema kuwa maboresho hayo yatasaidia ufanisi wa mfumo wa matumizi katika muda wa kati (MTEF) kwa kuboresha mifumo na taarifa ili ziwe na maoteo ya bajeti yanayoakisi ukweli katika muda wa kati.

Mafunzo ya Mfumo wa CBMS yamewashirikisha wadau kutoka Wizara, Idara, Taasisi na Ofisi za wakuu wa mikoa yanatarajiwaa kuhitimishwa Desemba 21, 2023.

**Mwisho.**

## Wasiliana Nasi

Jamhuri ya Muungano wa Tanzania  
Wizara ya Fedha  
Treasury Square Building 18 Jakaya Kikwete Road  
S.L.P 2802,  
40468 Dodoma.  
Barua pepe: info@hazina.go.tz  
Simu: +255 26 2160000

## Kurasa za Karibu

MOF Library  
Misamaha ya Kodi  
Taarifa kwa Vyombo vyya Habari  
Matangazo  
Maktaba ya Picha  
Maktaba ya Video

## Tovuti Mashuhuri

Benki kuu ya Tanzania  
Kitengo cha Kudhibiti Fedha Haramu  
Mamlaka ya Mapato Tanzania  
Ofisi ya Taifa ya Takwimu  
Ofisi ya Rais - Menejimenti ya Utumishi wa Umma na Utawala Bora

## Tovuti Muhimu

Ikulu Tanzania  
Ofisi ya Makamu wa Rais  
Ofisi ya Waziri Mkuu